

Somnium

1070. L. 13.

DAVIDIS ECHLIN

In Arcem. in mente Anno D. 1629.

A D

CAROLVM

MAGNÆ BRITANNIÆ,

FRANCIÆ, & HIBERNIÆ

REGEM.

Fata viam invenient.



Excudebat Londinensis A. M.

1629.

DAVIDIS ECHLIN

A.D.


CAROLVM

MAGNAE BRITANNIAE

FRANCIAE & HIBERNIAE

REGEM

Per ipsum inventum.



Excusavit Londinensis M. M.

1629.

SOMNIUM
DAVIDIS ECHLINI.

CAROLE cunctorū Rex Maxime & optime Regu
Vnice tu in toto terrarum hoc Orbe Monarcha,
Te mea sed grauior florentem ætate salutat
Musa annis, vitæ assiduis iactata procellis,
Hinc modò curarum, & morborum fluctibus illinc
Obruta pæne, inter rerum discrimina, lustris
Cum dura bis sex iam colluctata nouerca.
Atque adeò tandem festino Laresque focosque
Nunc citus ad patrios, iuncto ni pontus & æther
Consilio in nostram coniurauere ruinam,
Naufraga mi in portu mersura ad littora puppim
Det meliora Deus, tandemque aliquando minaces
Mitiget ò nostris satiatus cladibus iras.
Hæc ego dum tacitè mecum anxius haud ita pridem
Per somnum in lecto meditarer nocte silenti,
(Siue is somnus erat, seu mens mihi rapta furore
Nescio quo soliti perrupto carcere claustri,
Hinc procul amotas secessit libera in oras,
Lustranda alterius sincero lumine mentis,
Ecce mihi se offert venerando fæmina vultu,
Sed plusquam humano; quænam foret illa ego primo
aspectu obstupui attonitus velut ante Medusam.
Post vbi se ipsa suis manifestam prodidit vltro

indiciis, doctaue loquela, mox ego Diuam
 Terque trium agnosco matrem sermone Sororum
 Anemosynen, mihi quæ scribenti trans mare quondam
 Isque ad Mala nouum deduxit carmen ab Ouo.
 Illa meos simili hic recreans solamine questus;
 Erigit abiectum sine spe sine corde clientem;
 Talibus affaturque afflictum ex tempore dictis.

Quisnam hic qui mœstis tenebras noctemque que-
 sollicitat, gemitu ingeminans suspiria crebro? (relis
 Vnde micant fibræ? quid vult subsultus & horror
 Membrorum tremulus? quid vult sibi turbida tandem, et
 Irrequieta quies vigilisque insomnia somni,
 Dum rigidi increpitat placitum implacabile fati
 Barbaque longæua & canis iam calua capillis?
 Salue ò noster amor, natarum Echline mearum
 Deliciæ dulces, Phœbi suauissime alumne.
 Tene tuum sub atroce tyrannide sortis iniquæ
 Transegisse æuum, morbisque malisque refertum?
 Siccine fidereas conspirauisse phalanges
 Vnius in caput innocuum, sine fraude dolisque?
 Anne tibi series fluet infinita dolorum?
 Nec nisi quæ vitam, luctum tibi finiet hora?
 Nunquamne alta quies? Nusquamne integra voluptas?
 Et iam sera pedem tenet vnum cymba Carontis.
 Quando erit ò tandem cum tu ridente tuorum
 Percipies dulces fructus in messe laborum,

Ante obitum instantem & vicinam funeris horam?

Nec vero debes post tot mala tantaque fractum
Despondere animum, & quæ in terris vltima mansit
Spem procul abiicere hinc, sine qua miser extat inermis
Afflicto sine qua solatia nulla supersunt.

Ne succumbe oneri, palmamque imitare renixu.
Vnica vim inuicti eludet patientia fati.

Turpe tibi è medio quondam monstrasse Lycaeo
Socraticos fontes cum plausu, & dogmata morum;
Qua virtus pacare queat ratione rebelles
Perturbati animi motus trepidosque tumultus,
Nec tete addictum legi quam dixeris ipse.

Esto animo forti, & quem vagina occulit ensem
Eripe nunc contra tu cuncta metusque dolorisque
Agmina; seu morbus, seu morbus & ipsa senectus,
Siue angusta domi res, & tibi curta supellex
Suscitet in Dominam ancillas insurgere Mentem,
Indigenas turbas & bella domestica vitans.

Teque tuam tolerare crucem satis admonet Agni
Exemplum Crucifixi, opulentum immobile cœli
Regnum affectantem qui comparat ipse camelo
Conanti per acus frustra transire foramen.

Testis ad hæc locuples lurco ille, ac belluo dives,
Vita in deliciis qui & luxu molliter acta,
Pauperis irrisor latrantis ad ostia surda,
Non habuit siccam miser unde extinguere linguam

offeret apud manes; ea gens post omnia læta hic
 temporis in puncto infernas descendit ad umbras.
 Non ita tu mi amor; at contra post tristia cuncta hic
 Gaudia succedent & nullo fine voluptas
 incorrupta olim nulloque infecta dolore.
 Etque tuam constante crucem tu hic corde tulisti
 Cum Duce pro tete Crucifixo, sic & eodem
 Cum Duce lætus ages celsam super astra triumphum:
 Hanc tibi promittunt mercedem Oracula sacra.

Ergo dum spiras spera bene dulcis Alumne:
 Interea satis hic sit mens tibi conscia recti
 Perfidiaque & fraudis & omnis nescia culpa.
 Sic tu quod reliquum est latitans absolue dierum.
 Viue tibi, procul ambitione, ira que odioque
 Sordida auaricia, luxus venerisque gulæque
 Præstigiis. Tum te hoc iterumque; iterumque monebo,
 Præcipuè caue ne facies tibi liuida, tabes
 Squalida membrorum rodentem detegat intus
 Inuidia vermem, cum tu pedes ire per urbem
 Sublimes in equis in curribus atque quadrigis
 Forte tuæ socios gentisque artisque videbis
 Nil te plus meritos. Subitò namque id genus omne
 Gurgite Lethæomersum obscurumque peribit.
 At tu contemptis perituri sordibus æui,
 Imbutus penitus generoso pectus honesto,
 Viuis in ore hominum, & viues post fata superstes

Ipse tibi, inuitis seeculorum in seecula Parcis.
 Semper honos nomenque tuum laudesque manebunt.
 ✕ Denique quæ prima est eademque hic vltima meta,
 Tu supplex venerare Deum, tu Numen adora.
 Summa tibi hæc virtus, tibi sit sapientia summa hæc.
 Omnia tu refer huc, ex hoc tu hauri omnia fonte.
 Cumque volet currens Lachesis tibi sistere filum,
 Fac tua tunc vitæ respondeat vltima primæ;
 Materia Aitono, tibi qui post fata superstes
 Tale aliquod poterit tumulo superaddere carmen.
 Echlinus iacet hic, qui bis sex plus quoque lustra
 Cum bene vixisset nesciuit non bene obire.

Ac ne ego te stimulante fameque sitique peremptum
 Frigoreque ante diem videar fortasse sub isto
 Tristibus inferiis tumulo sepelisse sine vllis
 Auxiliis, miseræ post tanta incommoda vitæ,
 Pone metum, & vacuus iam nunc mi Echline timore
 Eia age tu euerso redituius surge sepulchro.
 Non ea mens vari, nec tam tibi fata sinistra,
 Lætitiam festosque dies post funera campos
 Mittere ad Elysios; vbi gaudia quæ neque vidit
 Vnquam oculus, nec corporea vnquam vlla audit auris,
 Humanæ prorsus non peruia gaudia menti.
 Immo tu hîc inter cognatos, inter amicos
 Ætherei in terris carpes præludia Regni,
 Funeris ante diem tibi punc utcunque propinquam,

Dulcia

Dulcia praelibans qui tot gustaris amara
 Solus, tu poteras contentus vivere paruo
 Frugi homo; sed plenæ tibi charaque castaque coniunx,
 Et proles numerosa requirunt fercula mensæ;
 Sumptibus ut de aliis verbum non amplius addam.
 Consultò, mihi crede, & non sine Numine Divum
 Secta evasisti vesica immane periculum.
 Crudelis morbus, crudelis & vnica cura.
 Nec quisquam ante obitum tutò est foelixue, miserue.
 Multa cadunt inter calicem supremæque labra.
 Neue meas, tua tu neu desere Numina natas,
 Quas teneris semper coluisti firmus ab annis;
 Quicquid fæx populi oblatret, vulgusque profanum;
 Numina cultori ingrata & paupercula clamans.
 Fata viam inuenient, aderitque vocatus Apollo.
 Ille poetarum res commiseratur egenas.
 Carmina sunt illi, sunt illi gramina curæ.
 Infausta illa dies, nigroque notanda lapillo,
 Quæ tibi PACIFICVM è viuis cheu IACOBVM
 Abstulit, ærumnis ærumnas denuo accerbans.
 Ille tuum patrem bene nouerat intus & extra
 Egregium Henricum, quo non præstantior alter
 Voce ciere canes, cursumque accendere cornu;
 Maternas qui olim partes & castra secutus
 REGINAE nunquam sat pro virtute canendæ,
 Contra hostes Diuina humanaque iura abigentes,

Vitam in discrimen fortunas & bona misit.
 Audieratque idem pro certo Rex IACOBVS,
 Vt proavi plerique tui sub Regibus olim
 Scotorum, patriæ pro libertate obiere.
 Ille tibi atque tuis promisit fratribus idem
 Non modò se Regem, sed tutorem fore fidum,
 Cum fratrem Mitra decoraret forte Robertum.
 Ille tuas tecum coluisset vt ante Camœnas.
 Illius ille etiam meminisset temporis, vt tu
 Pænè puer Puero recitasti verba Latina,
 Cum primùm intraret portam vrbs Fermeloduni,
 Perlustrans primo regni tunc oppida & vrbes.
 Progressu, magna Procerum stipante caterua,
 Nec tibi tam obscura est fama, aut ignobile nomen,
 Quin pudor & probitas doctrinaque Regis ad aures
 PACIFICI, securè Alba Regnantis in Aula,
 Venerit huc vento pridem transuecta secundo.

Sed quid ego vsque tuas renouo male sana querelas?
 Nec nisi adhuc crudum verbis exaspero vulnus?
 Vitam IACOBVS ei dederat quam Parca peregit,
 Naturæque satis, laudique & gloriæ abundè
 Vixit: at ille vni patriæ pacique fouendæ
 Nunquam vixisset satis in regione Britanna;
 Non si Nestoreos vixisset & ampliùs annos.
 Nec cita mors Regis quòd tu non videris ipsum hìc,
 Sed tua apud gentes mora longior exteriores

Culpa fuit, si culpa fuit lex summa Tonantis.
 Quicquid id est, tu parce pios dehinc murmure Manes
 Vano diuexare, & adora Solem Orientem.

O fausta illa dies, niueoque notanda lapillo,
 Quæ tibi MAGNANIMVM dedit illucescere CARLVM.
 Foelix Magna Britannia: foelix Fermelodunum
 Herois Fergusiadæ Natalibus: & tu
 Ante diem foelix sed serò Echline supremam,
 Tranquillum nactus post tanta pericula portum.
 Nec tantum ille ad Sceptra Patris successor & hæres;
 Quin sibi iure suo nullo obsistente Paternos
 Vendicat affectus. Tanta est reuerentia Patris;
 Quosque Pater meritis inductus amauit, amabit.
 Scilicet ambobus communio constat amoris,
 Sanguinis vt directa eadem stat linea vtrique.
 Ergo ille obstricti soluet promissa Parentis,
 Erga te atque tuos nullo discrimine fratres;
 Quæ tibi præ reliquis proprio rata protulit ore:
 At REX Veridicus nullum spe lætat inani.
 Tum pater Henricus fama illi notus honesta,
 Quosque tulit pro Auia bello flagrante labores.
 Adde quòd in mediis Generosus CAROLVS armis
 Doctiloquas merito non fraudat honore Sorores.
 Immo, ne dubites, clarus belloque togaque
 Herculeo Musas nodo cum Marte ligabit,
 Rara Avis in terris, & non imitabilis Heros

Denique

Denique non erit Princeps *Æquissimus*, v'tu
 Sorte, nec inuideas, cum prosperiore bearit
 Collegas ciuesque tuos, doctosque, probosque,
 Solus humi serpas non inferiora secutus.

Et nihil *ærumnæ*? nihil *ætas*? litterulæ nil?

Nil patris, & patrum pro te monumenta merebunt,
 Flentibus aduersum Musis & Apolline cœlum?

Quare age chare meo mora nulla Echline periclo,
Magnanimum reuerente saluta carmine *Carlum*,
 Hic vbi fata vocant moribundum imitatus olorem.
 Arripe, quid cessas, iam nunc chartamque, stylumque.
 Ipsa ego propitium sanctè tibi spondeo *Regem*.

Hactenus hæc mea *Mnemosyne*. Disparuit illa.
 Protinus excusso rediit mihi mens vaga somno:
 Arreptisque armis, ad fumum lampadis atrum
 Scintilla accensæ, foliis hæc carmina mando;
 Quæ caue cunctorum *Rex Optime Maxime Regum*,
 Ne turbata volent celeri ludibria vento,
 Irritaque errantem deludant *Somnia mentem*.

FINIS.